

秦川焚餘草

陳寶琛題



秦川焚餘草

光緒辛丑
刊於容齋

崇祀名宦祠錄

欽差大臣協辦大學士陝甘總督

臣

左宗棠



題爲呈請崇祀名宦以彰德政事據甘肅布政使崇保呈
案查奉准禮部儀制司案呈據內閣中書吳西川等呈
稱爲故宦政蹟卓著崇祀名宦事竊職等均係甘肅秦
州籍緣已故甘肅秦州直隸州知州董平章福建閩縣
人道光癸巳

恩科進士由戶部主事改捐知縣銓缺甘肅洊升秦州知州

在任五年因病去官於今年三月在籍病故故宦設施

崇祀名宦祠錄

一

有具悃悞無華矢慎矢勤勵寅清於白水實心實政孚
子惠於蒼生說禮樂而敦詩書人霑時雨均徭役而課
耕織里洽仁風緬遺愛於棠陰共託帡幪之庇思抒誠
於芹獻宜分俎豆之光爲此合詞取具同鄉官京官印
結黏呈投遞伏祈恩准行查本省等情具呈到部查定
例各省崇祀名宦該督撫會同學政每年八月前合詞
具題並將事實冊結送部詳核儻名實不能相副及僅
以人品學問空言譽美並無實蹟者卽行指駁行令該
督撫詳實查覆有冒濫題報者將原報出結之官從重

議處又子孫現任九卿祖父不得題請入祠各等語今據內閣中書吳西川等公舉原任甘肅秦州直隸州知州董平章入祀名宦祠應咨行該督撫學政查出定例飭令該地方官博採輿論詳查事實如果政事人品足爲矜式別無違礙等情卽造具事實清冊取具印甘各結由該督撫學政確加覆核合詞具題仍將冊結送部核議如果呈報不符亦卽據實咨覆可也等因本爵督部堂准此合行札飭爲此札飭該司卽便遵照辦理此札等因蒙此合行飭查爲此仰該官吏查照來文事理

崇祀名宦祠錄

二

卽轉飭儒學核照定例博採輿論詳查該故宦董平章生前事實如果政事人品足爲矜式別無違礙等情卽造具冊結呈道送司以憑詳辦如呈報不符亦卽據實詳候核辦毋違速同治十二年六月十五日准鞏秦階道咨稱爲詳請崇祀名宦事據署秦州直隸州知州黃牧翥先詳稱據本州儒學學正段桂林訓導胡席珍詳稱據閬州紳耆大挑教職楊守愚貢生師可能監生劉會意張申梁兆祥附生徐應瑞遇缺卽用教諭劉廷颺前任四川筠連縣知縣王潤棠陝西候補知縣張思

毅陝西候補縣丞劉士鋒布政司經歷何丙長廩生王
治平侯作鎮舒應楠周志善何耀先蘇統武侯選教諭
蒲纘武監生孫建佐胡汝楷金友玉優生王奮揚陳養
括孝廉方正張裕着民鄒曹愈劉廷柱關應法張致和
副貢生葛汝葆關鋪張世英附生葛汝菁張思恭劉藝
林王繼志等呈稱竊以教學勸農治民乃安民之本除
奸禁盜化俗爲阜俗之基政肅而成代傳循吏法施則
祀禮著明文伏見故宦董公祖學道愛人窮經致用下
車伊始卽博採夫風謠蒞政日深遂究知乎利病念士

崇祀
宦祠錄

三

風不振延名師而教重清修憫民食維艱相土物而工
興水利俗改梗頑之習農鮮旱暵之嗟明斷無私常寫
哀矜之至意清操自矢猶懲胥吏之誅求分清俸以恤
寒儒抱婆心而勵後進栽培盡力文教賴以日新誘掖
有方科名因之滋至至若練鄉團以作氣民盡知兵立
保伍以防奸盜都斂迹凡今成城之志慮無非未雨之
綢繆生等久荷帡幪親沾雨露言念生前之實惠彌深
去後之遺思有政蹟其若斯克敦古處享馨香而無愧
允當輿評爲此合詞籲請伏祈申詳計呈投事實摺一

扣等情據此到學本學查得已故前任秦州直隸州知州董平章心懷清慎政著循良萬戶羣呼佛子當年克勵官箴州里共仰神君此日宜崇祀典相應取具該紳士耆老甘結又覆查該故員子孫並無在九卿之列理合加具印結造具履歷事實政蹟清冊具文詳請加看轉詳等情據此本州看得已故前任秦州直隸州知州董平章著績清平持躬廉介履勘溝洫息雀鼠速訟之爭豫築堡城弭豕蛇未形之患捐籌膏火徧坐春風振拔寒微廣開夏屋卽此士民愛戴洵爲牧令之良允宜

崇祀名宦祠錄

四

俎豆馨香俾作官方之進茲據儒學詳請前來理合加具印結同齋到事實冊結具文申齋查核轉咨等情據此敝道查看得已故秦州直隸州知州董平章清廉律已惠愛孚民卽此政著循聲聽歌呼於萬口允宜祠登名宦隆俎豆於千秋理合加具結看同齋到冊結一併具文咨道爲此合咨齋司請煩核轉施行等情到司准此查禮部則例內載一凡名宦鄉賢該督撫會同學政每年八月前合詞具題並將事實冊結送部詳核於歲

底彙題

旨下行文各該督撫遵照設位入祠等語又例載崇祀名宦鄉賢應確核事蹟儻名實不能相副及僅以人品學問空言譽美並無事蹟者卽行指駁行令各該督撫詳實查覆有冒濫題報者將原報出結之官從重議處等語又例載子孫現任九卿祖父不得題請入名宦鄉賢祠果有鄉評允當政事人品足爲矜式者仍俟其子孫身後再行辦理其子孫內有由九卿降調及休致者雖非現任九卿究與尋常題請入祠者有閒應由部秉公覆核政事實蹟不得稍涉瞻徇並分別公私過失以定准

崇祀宦祠錄

五

駁專摺具奏請

旨辦理各等語今查得已故原任秦州直隸州知州董平章既經該州並儒學查明生前事蹟與該紳士等呈開事實無異俱係實惠及民與地方有裨子孫並無現任九卿亦無違礙處分與入祠之例相符由該學造具冊結呈由州道覆核加結轉咨到司准此該甘肅布政使崇保看得已故原任秦州直隸州知州董平章持躬廉潔蒞政慎勤均水利以息訟端敦倫紀而維風化體卹寒士籌贈赴試之資豫築堡城用防未萌之患立保甲不

易之法民有遵依弭盜賊數年以來人無夜警循聲已著於當日舊德猶懷於今茲洵名實之交孚非空言而譽美宜邀祀典以薦馨香茲既據該州儒學造具事實冊籍由州道加結轉咨前來相應詳請會

題等情呈詳到

臣該

查定例崇祀名宦鄉賢該督撫會

同學政每年八月前合詞具題並將事實冊結送部詳核於歲底彙題

旨下行文各該督撫遵照設位入祠等語茲據甘肅布政使

崇保詳稱准據該管道州轉詳秦州紳士楊守愚等呈

崇祀名宦祠錄

六

請將已故甘肅秦州直隸州知州董平章入祀名宦由州確查該故員董平章生前事蹟與該紳士等呈開無異造具冊結由州道詳司齋請會

題前來

臣

覆查已故前任秦州直隸州董平章循聲卓著

既德被乎生民惠政頻施更情殷乎赤子洵堪矜式宜薦馨香除冊結分送部科外謹會同陝甘學

臣

吳大澂

合詞具

題伏乞

皇上聖鑒勅部議覆施行謹

奏

光緒元年二月日奉

旨依議欽此

崇祀名宦祠錄

七



奏

旨依議欽此

光緒元年二月日奉

秦安縣志

職官志第三

董平章字琴虞福建閩縣人七歲賦端硯詩爲老師驚賞道光癸巳成進士官戶部雲南司主事職在覈漕會修漕政全書時海運創行檔無故牘平章乃獨任草創書成祁相國歎曰吾於此書得二董謂平章與今尙書恂也以養母改外選甘肅環縣知縣調補皋蘭院司政事有疑必就諮決其所爭執大吏每折而從之升知秦州州北濱渭之民常以溉田爭水鬪訟累歲不決平章

秦安縣志

甫視事卽躬往履勘地險狹不通輿馬步行烈日中往返百里旣盡得其要領乃爲畫定條約頒發遵守渠堰之訟遂絕粵匪之西竄也平章倣先輩堅壁清野議諭鄉民修葺堡寨親爲指畫形勢獎勵督築凡繕新舊堡百七十有六櫓堞蘭石畢具及隴上兵起居民皆入堡保聚耕稼得無廢堡寨旣立令民度村閭遠近簡丁壯聯戶鄰盜來則結伍出捕創立保甲科條費節事簡而攘竊自遠大府下其法諸州縣使倣行州有異形獸噬人以百計人莫能制平章爲文禱山神獸自入菜園死

爲政主繩豪強胥隸狀詞無情者批駁動中隱曲在
州五年良懦氣伸獄訟日以衰息籌增書院膏火按月
捐俸加獎鄉試之歲傾橐助路貲應試者視舊增倍遴
邑士之雋異者公餘招至廳事譚經講藝至竟日忘倦
尤貧蹇者出貲振之飲食教誨恩勤殆逾父兄由是文
教蔚興及門登甲乙科者數十人焉咸豐三年引疾去
官會道梗未得歸仍寓州城日集諸生講習文史爲樂
托牧之戰沒巡道委平章攝州事親詣寓所強起之堅
臥不應後制府檄至亦然閱三年挈眷南歸卒著亦舫

秦安縣志

二

隨筆秦川焚餘草中多勸導風化之作卒後五載士民
請祀名宦奏奉

俞旨時光緒改元之二月也

序

先君之老友曰余搏九先生以訓蒙爲業居與吾家近數從先君索飲飲酣則舉門徒瑣事以爲笑樂一日謂先君曰吾近得董氏子年十五六耳聰明出諸童上書一誦卽熟文一學卽似章錠時侍側先君顧之曰汝聞否是非與汝年相若乎何其俊也余先生乃曰旦日吾挾與俱來令而子一見也旦日果來葛衫青鞵舉止奕奕子方腴腆未解周旋又怵於所聞心好之而不敢請益然自是遂別遂不復見既而予屢困名場君則舉於

秦川焚餘草序

一

鄉捷南宮登仕版每於交遊往來中間或言琴虞爲某事琴虞於某事若此子問誰何乃知琴虞固君近字也於是怦然心動冀幸他日可繼見耳劉芑川教諭以詩與予定交芑川固與君善爲予言琴虞年少才美喜爲詩羈絆一官遠在甘隴於是怦然心愈動然而遙遙不得見也其後同年生劉炯甫筮仕蘭州刻其所著篤舊集寄予予乃得讀君詩又於詩話中知君生平竊念君四十解組非汨沒於勢要者或出或處可見之日甚長又數年予游西安炯甫自平羅來則聞君老病謀歸休

且有康成龍蛇之說相對太息者久之近予主致用講
席君孫元度元亮皆在門元亮乃奉遺集請序蓋卽篤
舊集中所稱秦川焚餘草者君之詩自抒胸臆然於地
方利弊及時事不厭再三此固風人之微旨哉識者要
能知之不俟予言也特予與君相見於垂髫之年而始
終睽孤至於老死嗟乎功名富貴則前定矣而豈知觀
面之緣亦有不可強者在耶則世之窮力盡氣而欲求
所必得者又何爲哉予年且八十夙昔故人零落殆盡
君兩孫皆才回憶前塵庶幾其能繩祖武張大業哉光

秦川焚餘草序

二

緒戊戌季秋長樂弟謝章鋌拜序

面之緣亦有不可強者在耶則世之窮力盡氣而欲求
所必得者又何爲哉予年且八十夙昔故人零落殆盡
君兩孫皆才回憶前塵庶幾其能繩祖武張大業哉光
緒戊戌季秋長樂弟謝章鋌拜序

序

詩學至國朝王朱施宋而後英才輩出駸駸乎家漢魏而人李杜直駕中晚唐五代南北宋遼金元而上之豈若明七子之貌爲初盛哉曠觀近代作者搖筆爲文人之詩尙多且易而欲求詩人吐屬蓋戛戛乎其難之竊嘗謂吳蓮洋之收入四庫猶附驥尾浪得名黃左田大集觥觥未免喬妝臺閣體他若邵子湘直成笨伯然彼自以古文雄獨袁簡齋流毒騷壇訾議者固已憎茲多口也海角荒僮眼光如豆生平持此論從未敢輕

秦川焚餘草序

一

洩於人胡爲垂老忽發狂奴警說蓋實欲藉以自警且警後人耳余空疏滯拙何足言詩髫齡時先大夫恆課對偶稍長就塾習試帖律賦亦但期獵取科名泊宦都門偶逐鄉人隊擊鉢聯吟又僅撰一聯一絕其投贈應酬之什歲閒一再爲自視恣然脫藁輒焚棄迫已酉牧秦州衛淇園大令規勸甚力始強顏借學亦遂稍稍錄存蓋余年已三十九矣解組以來尤多作用資遣日今歲客青門病足不出者餘三月視舊草積幾盈尺因手自刪汰改削錄成六卷計共得古今體八百六十四首

題一絕於後以見意自知之明但有存所不當存斷無
汰所不應汰畧一披吟深覺尙莫步文士後塵何由望
詩人項背而時代家數益無干涉矣姑贅數行弁簡端
留家塾示子孫冀其善體序言庶勿災梨棗以成吾過
也夫

同治丙寅冬至前三日仇池農隱書於長安寄裝居吟
室

秦川焚餘草序

同治丙寅冬至前三日仇池農隱書於長安寄裝居吟
室

同治丙寅冬至前三日仇池農隱書於長安寄裝居吟
室

同治丙寅冬至前三日仇池農隱書於長安寄裝居吟
室

題辭

閩縣 陳寶琛 伯潛

仇池花木長風煙鄉夢沈沈鼓角邊身是杜陵老詩史
憂時頭白中興年

者舊凋零又一時輜軒憶擗去思碑英英貽厥遺編抱
廉吏何曾不可爲

侯官 劉存仁 炯甫

君之通籍年我方困甕牖負米豈不勞歡樂奉將母及
我筮仕來君已解組久問年愧差長竊祿瞠居後論才

秦川焚餘草題辭

一

百不如形容驚老醜猶憶齟齬時亦有同心友經濟與
文章驂靳爭不朽酒酣狂喝月雲夢吞八九貧賤太蹉
跎志業亦何有老成感彫零相期呼負負中年哀樂多
鑄錯難回首 聖恩昨 召試 詔許縮墨綬逾年攝
閒曹束帶強趨走孤羈長不樂不如遁巖藪卜廛無三
椽何地栽五柳半菽苦不充愧對龐公婦低頭事傭經
誰載元亭酒歧中又有歧出處色有忸太上貴立德次
亦兼猷守鄧禹徒笑人何以酬高厚感君先達意貽我
以瓊玖論詩兼論治疑義相與剖平生金石交屈指數

某某臣精歎銷亡寸心叢百垢世事況苦艱白衣變蒼
狗自揣無吏材天暎解樞紐灑然清風來無譽亦無咎
君謂靜需時汝意殊否否樹蘭必九畹樹蕙必百畝樹
德以樹人立身貴不苟一命尙有濟精神宜抖擻謂我
非棄才過譽不絕口勉副良友期昌言謹拜受君今宦
績成盛名徧隴右勇退急投簪偕隱得良耦愉愉奉板
輿粲粲潔灑滄內以歡護闈上足答我后餘事及翰
墨育材佐薪爇君所蒞培植士類成名者衆門生啓筍廚子姓歡獻
壽報君以新詩酌君以大斗他年採靈芝同覓商山叟

秦川焚餘草題辭

秦州任其昌士言

道厄龍蛇歲書來鴻雁秋開緘惟一哭感舊觸千愁生
小艱虞劇家貧禍覺稠蘭芽集霜霰椿蔭叫鶴鷓癡念
諸孤在資無半菽留彥昇兒葛帳王霸子蓬頭多事憐
齊贅何心效楚咻寒機勞寡母永夜勸東叟狂走看黃
犢斯飢等白鷗糟糠空破釜薇蕨是嘉羞爨每時時絕
糧偏日日休縕袍假鄰舍布褐羨朋儔立志親墳典連
朝繫薊緱硯寒常拂拭紙貴屢呻嗶編耐披蒲苦光難
鑿壁偷昏鐙挑屋北朗月映庭幽已分溝中瘠眞同水

上漚泥塗應久辱，珊網望誰收。適遇江都老，來鳴隴阪。
騶清風吹比戶，化雨渥遐陬。甲第喧春榜，丁年展壯謀。
版曹曾署諾，花縣再分猷。宰有神明號，材宜刺史售。下
車先問俗，借箸運前籌。獻訟疑穿縞，平反快潰瘤。豪強
俱斂迹，胥吏枉凝眸。拔薤爭皆息，懸鞭令畢孚。徵科原
落落，撫字尙樓樓。丰采高堪挹，剛腸勁不柔。推誠能置
腹，疾惡本如仇。直節情猶古，詞場理更優。罵人劉子翼，
能賦白江州。馬帳羅羣彥，龍門納衆流。片長聞說項，薄
技也依劉。璞玉頓增價，明珠非暗投。扶搖見鷓鴣，剪剔

秦川焚餘草題辭

三

出驂踰憶昨，攀鱗始諸賢。戰藝迥梗楠，隨地植樗櫟。預
巖搜藐矣，繩樞物翩然。泮水遊俸錢，沾灌溉詩卷。與雕
鏤，下士須膏火。多方覓束修，牙籤開武庫。獸錦贈重裘，
衰柳平陽路。春城夕照樓，行吟隨處處。登覽共悠悠，往
蹟頻商推。琅函共校讎，弱雛蒙卵翼。散器仗塗髮，馴雉
成遺愛。驅蝗戀去謳，客途淹歲月。舊治卽林邱，奕葉傳
經史。孫枝事講求，宏儒謂末學。賓館坐黔婁，塵洗彈棋
局。湯傾煮茗甌，對談揮塵尾。賞雪下簾鉤，砌密移蘭萼。
窗虛種石榴，鮪鱸晨潑潑。鸚鵡暮啾啾，暑藉迎涼草。宵

添繼晷油誼深淪骨肉恩久結綢繆殺氣騰鶉野河湟
入兔罟五原饜膏血萬里動戈矛雜種羊兼犬奸回虎
又彪飛騰輕破柙奔逐擬吞舟萇爾隗囂里咸思郭細
侯桐鄉成机隄櫟社已創疣都將怯摩壘貲郎濫受賊
未容闢荆棘那肯混薰蕕西塞嗟飄蕩南雲望阻修祖
筵傾卯酒歸路數庚郵琴鶴扶箱帙關山厭鼓桴家翻
羈華岳夢早到滄洲弟子傳衣鉢瑤階拜冤旒司農職
倉庾給假埽松楸送遠過河曲將離詠道周深憎啼杜
宇欲爲駕鴛鴦短景重陽後涼飈落葉浮班姑身就養

秦川焚餘草題辭

四

毛義志粗酬賃騎裝遲束趨庭計有由迴峯衝霧豹枯
樹引獼猴灞岸瀾荒葦灃橋接廢疇笑言能幾許瞻拜
企忘憂苔徑經迂繞萍蹤暫逗遛三更燒畫燭百盞盡
新笏空囑魚書寄旋將馬策抽撫膺增別恨揮淚灑行
輶我縱燕山轡公還閩嶠鞅韶光正鶯燕征棹避貔貅
多日通箋札居恆把鬯卣親賓飫肥牡戚郇致乾餼鱸
膾香盈几蕤絲翠滿篋幔亭觀海色鞠部聽笙篴鬢鏤
翁還壯沈綿疾已瘳何期啟手足一旦臥衾裯梓里書
丹旒蓬廬換素旂星沈庸再起瑟撤詎重擣惠澤餘涇

渭文光射斗牛尋常希召杜容易逐枚鄒陵近蝦蟆未
墳蹲大鳥不黃塵沒圭璧造物惜琳瑯不待環銜雀難
教杖祝鳩無緣助執紼欲往少飛輪意作潘安誅才慙
宋玉侔陸莊荒自愧拈筆枉啁噍

秦州
張思毅

刺船徑去此情移海上曾留萬古思流水高山音感我
愁雲慘霧夢尋師道傷麟鳳書千里巢冷鷓鴣月一枝
寂寞江天空悵望不堪重憶仲舒帷

下車成紀廿年期甘雨還同化雨滋策解天人勤夏課

秦川焚餘草題辭

五

門環桃李豔春時於今蕊榜無虛發自昔文壇賴起衰
待把師資鑄隴首也應淚墮隄岷山碑

曾記羣英祖餞時論文尊酒不爲疲未能前度隨琴劍
翻使連年厭鼓旗循吏聲名原遠到詩翁丰格本支離
一朝仙去還如蛻渺渺杏林天一涯

聽鼓翻遭讀禮悲轉輪里下與民移斗南常聽祝釐語
薊北忽傳自輓詩楓冷吳江得句好梅開隴首返魂遲
臨風一痛知曾否匏繫家園有夢馳

秦州
王奮揚

文星光暗月沈昏藝苑人人掩淚痕祇爲塵封徐孺榻
那堪蔭託李膺門鴻泥印雪音容杳鶴馭冲霄教澤存
遙向東流頻悵望幾時招得海南魂

富貴浮雲任捲舒功成身退更誰如斑衣時向中庭舞
莼菜翻思故國居囊有新詩儲錦繡家無餘畝種葵蔬
滿門桃李齊爭豔依舊青衿獨愧予

早知如此百世公

卷下

謝

紹興

陳紀雲

研因

旅壁詩題七字媒焦桐聲裏辨琴材直言愈見關情切
良晤時逢笑口開稱賞百回晴雪句朗吟三爵紫雲杯

秦川焚餘草題辭

六

年來猶記陽生日曾過羲皇畫卦臺
家世香光妙筆迺莎廳深處竹圍樓河隄早著千年績
早潦時先百姓愁名士治才瞻驥足老成聲譽屬龍頭
翦燈回憶西窗夜一著輸心聽弈秋

經濟文章百鍊身肯同俗吏久風塵閒庭種竹無餘地
宦海收帆有幾人玉尺頻量能造土宮袍猶著爲娛親
十圍蔽芾甘棠樹德政豐碑口勒秦

譎劣無能愧萼蓬登龍聲價幸逢公下交肯作忘年友
知遇偏深弱冠童心念舊恩如皦日眼看世態仰高風

升堂擬滌塵襟濁誰料南行事竟空

秦川焚餘草題辭

七

升堂擬滌塵襟濁誰料南行事竟空

秦川焚餘草總目

卷首 古今體一百四十六首

崇祀名宦祠錄

秦安縣志 百五十六首

卷序

自序 古今體一百四十首

卷題辭

卷一 古今體一百四十五首

古今體一百四十五首

秦川焚餘草總目

卷二

古今體一百四十一首

卷三

古今體一百四十首

卷四

古今體一百五十九首

卷五

古今體一百四十六首

卷六 古今體一百四十六首

古今體一百三十三首

補遺

古今體四十五首

附刻

甘肅秦州知州董公墓誌銘

董公德教碑記

逸事

跋

秦川焚餘草總目

秦川焚餘草總目終

元長

元亮

元用和

元福

元禮

曾孫

起球

起榘

起業

起權

起璠

元孫家駒校字

秦川焚餘草卷一

天啓
閩縣董平章琴虞撰

閩縣董平章琴虞撰

余素不能詩偶有作脫藁輒棄去衛淇園大令見

而規之近始稍稍錄存賦此見意卽以呈答

半生蹤迹類飄蓬縱有狂歌苦未工鴻爪難尋前度雪

蚓吟且續晚來風鏡中短髮欺人白酒際衰顏借我紅

四十年華已如此敢云壯志薄雕蟲

奉大府檄查禁鴛粟花循行郊野口占書所見

勸農纔罷又防姦麥隴蔬畦鎮往還贏得長官清興好

秦川焚餘草卷一

一

連朝策馬看青山

驅車直上亂峰巔絕頂平開百頃田我悵無田歸未得

春耕空復誤年年

冬日岷州旅館卽事

榛狂猶有古風存背水孤城儼廢屯地勢高寒長見雪

人居稀少不成村蛾眉奪得山容惡黔首皈依佛教尊

幾輩宦游愁到此撥殘楫拙易黃昏

雪後度臥龍山

石磴盤紆上百尋臥龍幽絕比山陰一峯雪影分明晦

斷澗泉聲自古今村釀霑辱成薄醉筍輿擁鼻作微吟
休嗟歲晚疲行役清景當前愜素心

阻雨

纔登車邏嶺東望路漫漫一
夜空山雨荒村六月寒解
貂無酒貰擁被但書看眠
早宵疑永雞聲促夢殘

新晴曉發

聽雨宵闌耿不眠朝暾催客整吟鞭溼雲棲谷白如雪
積潦成池青見天衝曉馬蹄寒乍卻喜晴人意快無前
歸程肯怨多留滯攬取奇觀句裏傳

秦川焚餘草卷一

二

宿金家店

在安定縣

晚步村外見收鷲粟花漿者感賦

栽竹俗可醫樹護憂能忘嗜飲時種木間織還植桑何
物妖花草鳩人來外洋匪醉亦不飽舉國耽若狂在昔
有明季戍卒防巖疆念彼觸瘴癘淡巴菰許嘗煙草禁
漸弛積久滋濫觴更幻花世界鷲粟豔且芳滇黔浙閩
越作俑肇南荒西土俗云樸種蔣亦相望忍茲膏腴壤
化爲鳩毒場連畦閒紅紫更說白者良薄暮割花實凌
晨收花漿栽花五畝僅賣漿百緡強誰復藝禾黍我聞
增感傷水旱不時有何以儲蓋藏爲問調饑者可能持

作糧

送東粵陳麗秋明經 蘭彬 應京兆試

彈徹焦桐海上音三年幕府暫浮沈看人別具常青眼

虛已仍懷若谷心枕畔秘書皆豹畧匣中長劒作龍吟

生平未敢輕期許傾倒緣君意獨深 篋有家藏兵書兼習舞劒技擊入都

後已酉壬子聯捷由庶常改秋曹

上計車驅向帝鄉臨歧好盡故人觴我憐粉署巢痕舊

君去蘆溝月影涼燕市例多名驥裏玉堂定有大文章

臨行以日下作家見詢以余鄙陋何足知此故詩意及之邊城日盼泥金帖早倩郵

秦川焚餘草卷一

筒寄兩行

晚至甯遠

夕陽忽西下暝色萬山來吠蛤綠溪亂鳴蟬抱樹哀簡

書多畏忌僕馬亦虺隤何日塵勞息南雲首重迴

南郭寺古柏 不知植自何代杜陵所詠老樹空庭得即指此

亭亭古柏鬱奇姿蕭寺經過日暮時鼎峙中分生死榦

輪囷平偃朔南枝 平地擘分三榦南一北二北之西已枯其一 只愁風雨成

龍去不惜脂膏遺麝知羨爾得逢浣花叟空庭延賞獨

留詩

冬仲同封少雲陳子靜兩大令游南郭寺次子靜韻

同是南冠客朔方居然曲調變伊涼藍輿覓句來蕭寺
葭瑄回春近小陽料峭晚寒將釀雪槎枒古木慣經霜
澄泉廢塔千年在長伴山僧說法堂

東泉澄澈底西塔頂連天太白句也

今塔已廢其半泉尙存

少雲既和前詩復次韻見懷再疊呈答

臨風正自想英姿忽報雙鳧入境時鯉訊盼過黃菊約
鳳棲借得碧梧枝

時下榻署後園

勞勞蹤迹君差似咄咄情懷

秦川焚餘草卷一

四

我獨知承夕深談無限思名山相對且留詩

欲澆熱血苦無方讀罷新詩意覺涼獨愛草書摹逸少
況逢花縣接河陽郵筒來往遲兼日吟鬢推敲怯漸霜
誰似清閒賢令尹傳經時復過鱣堂

時兼攝廣文篆

題孔雅六明經關中訪古圖影冊

出門有名山伏牖無奇士文章妙助在天涯布襪青鞋
從此始孔君天矯文中龍少年馳譽浙西東鷺嶺鴛湖
看未足飄然杖策來關中關中自昔帝王里如削三峰
環八水杜曲閒花馬去忙灞橋眠柳鶯呼起柳殘花謝

春復秋馬蹏催向隴西頭水分禹蹟岷江導雪滿羲臺
卦石留倦游又轉金城轂絳帳雍容移夏屋五泉山色
送吟眸萬里河流供濯足側聞仙境崆峒山上有飛仙
時往還準擬遲君雲水外可容著我畫圖閒還君圖爲
君語君家闕里奇尤著夏彝商鼎光熊熊歸鞭合指山
東去

山行至安定

六月驅車向隴頭萬山盡處見平疇晚禾被野濃青台
雜樹連村遠綠稠入地雨多農有歲吹衣風冷客先秋

秦川焚餘草卷一

五

簡書頻說趨期會遣興權呼汗漫遊

經狄道州登東山超然書院謁楊椒山先生祠

謫宦此棲遲瓜期歲未暮劭農興水利造士仰經師化
速庸須久官賢不礙卑祇今洮水上父老護荒祠

抗疏覘臣膽捐軀答主知空山有正氣遺像尙憂危碣
下行人拜牆留過客詩鈐山堂在否憑弔莫興悲

長至日同子靜游玉泉觀步陳研因幕賓韻

欲從羽客伴雲眠暫息塵機訪玉泉縹緲吟身凌絕頂
蒼茫望眼入遙天隴山積雪知何處葭瑄飛灰又一年

獨惜登臨少餘暇歸鞭懶發夕陽前

將至馬營監道經石峽

秋空淨無翳秋雲薄于紗涼雨忽飛墜雁行時整斜行
行遵嶺曲合沓層巒遮谷口束巨峽山骨森谿衍驚瀧
下危瀨奔流如迅蛇十步還一折噴激聲喧嘩峰迴路
乍轉勝境逾幽遐巖石蹲虎豹澗泉響箏瑟目駭復耳
悅征夫思停車憶昔去鄉國客路經仙霞松篁夾石徑
巖竇明秋花此景頗云似欲歸愁無家

聞古香吳丈

貽書

在粵西帶勇勦賊陣亡詩以哭

秦川焚餘草卷一

六

之

弄兵聞說擾潢池桂嶺經年羽檄馳疆吏縱姦刑禁弛
帥臣失律亂萌滋定知廟算能平賊何意書生敢乞師
死向沙場真得所如君洵不愧男兒

俠骨忠肝兩不違成仁那復論人微需官嬾乞長腰米
轉戰新裁短後衣幾輩虎頭生翼去一朝馬革裹尸歸
聖朝褒卹多殊典毅魄千秋廟祀依

憶昔相依日下時春風入抱酒盈卮都緣避地思張儉
更爲逢人說項斯十載萍蹤天水合數行梅訊漳江遲

招魂重掬靈均淚欲把新詩續楚詞

初以名在捕中入都暫避隨薦往山

左游幕最後來秦贈以多金始分發廣西

懋翁為黃靜甫大令追題令祖萃野先生處閒圖

圖作抱膝

南風 蔭松臨流旁置一竿一笠自題有五辛一籤

昂聳丰姿比鶴鸞磯頭閒坐且投竿人閒波浪知多少

都在先生靜裏看

寶帙傳家信有神

圖落外姓久近始得歸靜甫

名流題詠墨猶新

全謝山屬樊榭諸名作披圖振觸蹉跎感我亦華年閱五辛

余生辛未

迄題圖歲亦恰五辛

秦川焚餘草卷一

曉發大門鎮度山口占

刈麥場邊布穀鳴深山婦孺亦知耕晴餘雲氣天然淡

嶺半泉流分外清夏暑竟捐紈扇早曉寒翻怯裕衣輕

境幽便覺詩情逸細計何曾負此行

時以勘鉛廠赴徽縣

後出塞曲

為泉州犯婦陳蘇氏作

南雁聲聲夢裏聞天教弱質賦從軍望春莫上明妃塚

恐有鄉愁逐塞雲

返自蘭垣見署園牡丹盛開喜賦

轉眼韶光去若飛迎人燕子獨依依天公故勒春寒甚

留得桃花待客歸

經年塵土浣征衣芳訊名園計屢違且喜穠華容飽看

不須更羨鱖魚肥

亦舫落成

併序

亦園東偏塵定軒之南隙地一區鞠為茂草壬

子夏余命工役剪除榛穢構屋三楹作舟舫之

小軒南形並增高其後為露臺如舵樓可望遠焉即顏

曰亦舫詩以誌之

身凌溟渤傲飛仙回首前遊忽十年

癸卯曾渡海至廈島

已學北

秦川焚餘草卷一

人乘馬慣卻思南國狎鷗便庀材俟爾成華屋挂席依

然泛畫船從此亦園幽賞處春蘭秋菊倍增妍

小軒南畔畫牆東棧得仙舟隱碧叢壓石作裝懷陸續

牽船著岸笑張融招邀隔檻三更月消受疏簾兩面風

十二欄干閒倚徧鳳城應在五雲中

石磴盤同嘯碧幽

園中一亭名嘯碧

露臺高聳豁吟眸經營不

惜中人產登眺何須百尺樓目斷隴東千疊翠胸吞渭

北大江秋南山古柏亭亭立擬向金仙證去留

欲登覺岸悵迷津依舊萍蓬泛此身宦海波濤神自悚

鄉園猿鶴意應曠明年未識量移處來者還期蘊藉人
得遂初衣賦歸去漁竿合指水雲濱

後園牡丹盛開衛淇園夫子成醉後戲吟次韻奉

和

等閒桃李滿園中開到花王迥不同天放新晴過穀雨

人臨曲檻數番風芳叢醞釀偏宜醉彩筆描摹恐未工

連日正倩幕賓
畫牡丹便面堪笑主人慵且俗終朝吟賞讓詩翁

天啟壬子九日游玉泉觀值淇園山長與諸生集大雅

堂祠李杜因談闡藝率成長句

秦川焚餘草卷一

九

塵容比歲勞奔走馬背逢秋呼負負今年佳節無雨風
天靖山頭作重九山頭石磴雲相連槐柏陰森青一阜
登高自喜腰腳強選勝還愁崖壁陡僧寮小坐望眼舒
喚取遙峰近戶牖但烹雀舌沁詩脾恨少蟹螯虛左手
忽驚簪紱盈路隅彼都人士迎州守始知勝會殊不寂
大雅堂前羅漿酒瓣香此日蒸名山詩聖詩王同不朽
詩翁豪興羌我先邀向靜觀亭坐久相看玉筍皆英姿
且爲黃花開笑口論文尊酒繼前哲莫漫千金曠亭帚
就中豈少謫仙才認取文光夜衝斗

園中看菊偶成

猶存彭澤舊精神，苔自癡肥石自皴。
花韻雅宜三徑寂，風光淡到九秋真。
涼蟾寫影娟娟靜，寒蝶尋香得得親。
鴻雁不來之子遠，故園心繫觸愁新。

卸篆閒居書懷

八年薄宦苦奔馳，小草曾從絳闕移。

余由京改外計歷八年

未老

馬頭慵作繭初生，駢角怯爲犧靜觀。
物理閒中趣振觸，鄉愁夢裏思爲報。
故人無遠志干戈滿地，誤歸期。

秋日同衛淇園俞子駿宋鏡波諸幕賓遊麥積崖

秦川焚餘草卷一

十

途中先成短古

早知麥積名未識，眞卿狀每讀。
唐賢詩時時逢紙上，駕言出游覽約伴載佳釀。
臨發興遄飛未到神，先王藍輿衝風涼。
秋原清以曠，羣山迎道旁。卑陋豈堪仰，遙想崖形奇。
趾銳而腰廣，何來筆頭公。壁立屹相向，造物本無心。
巧乃駕良匠，我生苦形役。知著屐幾兩，五載牧茲州。
今晨始一訪，詩成報山靈。聊弭頑俗謗。

題瑞應寺

松杉隱蔽變朝昏，一徑循崖到寺門。
偶作閒游尋麥積。

忽從濁世見桃源深山梵唄消塵慮靜夜風泉證道根
便欲移家結茅屋買鄰近指隔溪村

題麥積崖

但聞人說名山好一到崖前始覺奇高下棧連疑蜀道
莊嚴像古半梁時當階老柏根浮出絕頂長松幹倒垂
更有諸峰羅列近怎教煙雨不相宜

麥積煙雨乃州志八景之一寺門環

數小峯是夕大雨

道中望石門山

玉京擲下青玉案化作青山青天半巖壑礧硿窅不窮

秦川焚餘草卷一

十一

陰陽向背條爲判是時九月天宇清雨餘倒景激射明
嵐黛皆作太古色蒼莽但有晴雲生行行漸近入山路
溼翠沾衣各驚顧怪石渾疑僂傴人寒林徧是連蜷樹
傳聞峽罅石爲門上接銀漢通帝閣遙識有仙鎮來去
祇愁無路可攀援望中陡覺坤軸隘千里終南此分派
名山欲徧游未能真面得先覩爲快吾鄉勝境稱武夷
對此嵯峨恍遇之婚嫁願還期畢早漁樵侶莫怨歸遲

夜宿石門道院

暮入金仙院閒階取次行暗泉長自潔雜樹不知名一

夕黃梁夢三霄紫府情曙窗誰喚起可愛畫眉聲

登石門山卽景

凌晨同上翠微巔卻倩黃冠導我先十八盤中翹首望
人如蟻附路螺旋

厯盡崎嶇眼界開石門缺處且徘徊臥虹橋跨橫岡起
小橋橫澗下臨萬仞有亭榜曰臥虹長有天風獵獵來

尋幽絕頂徧捫藤小憩琳宮第二層到底輸人腰腳好
懸崖鐵索怯攀登

羽客殷勤勸息機宦成終擬遂初衣出山立馬重回首

秦川焚餘草卷一

七

惆悵蓬萊到又歸

哭李吉人中丞

諱德華
陰人

月黑連營戰馬悲大星忽報隕東陲氣吞伏莽全師出
病入涼秋一夕危賊擾河北公任東撫自請率師
會剿以疾奉詔返署一夕卒左輔

帝方資保障中原人尙望旌旗應驅地下狐狸盡有子

衡陽先死綬

長子任桂陽州
前歲禦賊遇害

漕轉蘇門計事詳上臺莫屈性剛方閒雲野鶴官如屣
輓粟飛芻海竟航草遇疾風知勁直馬逢長阪見調良
當年齟齬人何在青史黃泉兩渺茫任吳藩日爭海運
與陸立夫中丞忤

去思京兆記轅攀遺愛中州望旆還間俗最能知疾苦
安良早與戢姦頑澤逾汪濊明湖水節並崇高泰岱山
河朔未清身已死吏民遠近淚同漣

金城憶昔挹謙沖造膝談深一室中遇事虛懷真若谷

當官疾惡本如風青蠅過耳南箕翕赤駿昂頭北冀空

知已別饒身世感哭公豈獨痛孤忠

任甘藩日或諧余於公徐察其誣反

有國士之目每有所咨訪輒屏僚從延談密室中

哀武昌

武昌城頭晝飛鵬白日無光鬼聲哭鬼哭聲何悲似言

秦川焚餘草卷一

三

賊寇破城時城中老穉都編管男者從軍女守陣賊威
遠震其虐已甚胡弗遁逃城門有禁禁者伊誰常撫軍
臨江屋宇皆遭焚攻城得地賊歡喜武昌吏民同日死
君不見黃鶴樓一炬休鸚鵡洲萬屍浮

題畫四絕

併序

張立之大令得影本名蹟四幀徵詩極多余聞

而豔之第思詩嫌著相亦貴審題若不從畫幅

落想直是懷古佳什耳不揣固陋勉抒新意但

恨無健筆豐詞足副所見云爾

臺殿周迴廊檻多此中晝夜足笙歌後來藍本誰偷得

浪說迷樓創阿慶

阿房宮

閣上文光射斗牛賢王才子共千秋江山絕好身難到

也似昌黎但臥游

滕王閣

吾廬松菊喜猶存息影歸來晝掩門直覺高風懷葛在

世人只解畫桃源

五柳宅

谷隱徜徉物外情采山釣水世無爭勳名不繪麒麟閣

獨把煙霞傲父兄

盤谷

渡鞏邑

秦川焚餘草卷一

西

漆城蕩蕩寇來不得上黃河滔滔賊來那得過賊從淮
口達鞏邑沿岸望洋空卻立由來天險飛渡難彰懷不
擾畿輔安托大將軍奮張幟勁旅飈馳尾賊至合圍轉
戰使驚避賊識將軍驅賊意渡河直向河朔地黃流拍
天欲渡莫前賊牽煤船千百成羣爭舟紛紛官軍不聞
嗚呼官軍豈不聞

池亭小坐

偷得閒身近一年水亭獨坐午餘天啜殘茗椀貪尋句
倚暖欄千愛聽泉春意漸闌人意倦桃花無語柳花顛

細思幻滅浮生事池面輕漚點點圓

郭貞女題辭為禮邑令小園明府作

郭名鴻熙安徽全椒人貞

女其次女也

滁山環且高滁水駛以清山上冬雪翠柏秀水面曉風

白蓮生郭氏有貞女川嶽鍾其英不識貞女面不知貞

女名但聞女父述貞節能令鼻酸枯淚傾女少字吳郎

六禮猶未成一朝聞郎死斷髮尋舊盟登堂拜翁撫嗣

子長甘裙布與釵荆須知貞女心堅如吉金白如瓊上

鐫吳郎字深至不滅方寸盈心之所安理即得嗟女大

秦川焚餘草卷一

五

義何其明方今聖化崇貞烈桂公有女蒙褒旌

桂尚書良女字

聯尚書順之子奉許其未婚守節並旌其門

他年輶軒採奇節滁陽山水

同爭榮

詠史

天下安危係相臣那堪枚卜唯阿人將迎君上窺樞府

編布門生據要津尙說綸扉皆赤舄豈知草澤漸黃巾

春秋致亂嚴戎首唐有楊牛宋史秦

台星遽報圻蠻封朝野咨嗟失臥龍公信有才平寇亂

天猶無意靖邊烽先聲已懾大藤峽遺恨遙齊獨秀峯

帝眷易名隆美謚歐蘇千載媿芳蹤
授鉞臨邊帝眷隆南征勞費竟無功七盤再誤元凶逸
四鎮同休錦水空上相歸從交趾國行人愁說永安宮
更饒蕙苳明珠謗清議何由達聖聰
宣威嶺海震諸胡城北昂藏七尺軀豈有撫夷甘獨往
反於殺賊怯前驅議功獄吏從寬典分謗樞臣道重誅
緹騎不來符尙握肯教徧地嘯萑苻
孫吳韜畧本非優遜抗家風說也羞閉閣妻孥空對泣
橫江桴筏太無謀不聞鐵騎屯鍾阜何異降幡出石頭

秦川焚餘草卷一

末

死比鴻毛還辱國東南半壁使人愁
通侯年少擁旌旄谿壑難盈甚老饕自昔和戎真鑄錯
卽今命將亦徒勞二分明月簫聲寂十里平山燧火高
糜餉頓師君莫問直饒飽看廣陵濤
健兒帳下亦雄驍刁斗森嚴馬不驕百戰癡痕時自指
一腔熱血向誰澆詩歌樂府丁都護銘勒天山霍票鶴
未奏捷書身已死毅魂夜夜繞紅橋
焚溺方深望救餘將軍持重尙安居閉關楚粵心何壯
株守秦淮計已疏迹似甯南工養寇勇殊漠北舊擒渠

更聞部曲生驕蹇朝暮奚堪學秦狙
粗材容易便登壇尾賊須知遇賊難勁旅經年惟坐擁
援師入境尙旁觀奮椎無客爲朱亥請劍何時斬賀蘭
棄甲于思今復見柰他臺諫似蟬寒

結髮臨戎奮請纓小諸侯比亞夫營棘門灞上眞兒戲
楚尾吳頭仗客兵憤激一身經百戰艱危全節殉孤城
皖公山外殘黎哭猶指江流說大名

求得忠臣孝子門不圖晚節致流言憂勤徒矢才終短
蹉跌時虞位已尊同里彈章公道在千秋史筆素心原

秦川焚餘草卷一

七

成仁更喜饒難弟亮節先聞死守藩
國士無雙結主知一朝投筆著戎衣治安策比長沙傅
倉卒功同采石磯攬轡激清知素志援枹撻伐見神威
九重待下郊迎詔早振欣飛奏凱歸

南樓憶夢圖歌爲吳燮舫記室作

撫琴時作思歸弄天涯芳草仍迎送春風吹客向秦川
爲余細說雲閒夢雲閒左右江海流城南勝蹟聳高樓
樓中羈旅多愁緒夢裡華胥得臥游當時年少誇才調
詩成能令妖嬈笑投壺賭弈皆等閒畫卷歌詞殊要妙

就中綽約紅裳姝蕊珠小隊伴麻姑但求玉杵酬情種
便飯胡麻澤貌癯蓬山乍到風仍引留郎不住郎心忍
猶盟星月約乘鸞忽歎樓臺虛結蜃書劔飄零三十年
鬢絲禪榻對茶煙乞與丹青脫凡骨自揮珠玉紀游仙
變舫自爲文以記詩意悉仍之我初披圖殊心愛更番讀記尤深慨若
言佛說想卽因好夢緣何竟難再飲君酒莫辭頻聽我
歌莫酸辛邯鄲枕頭不可借武夷幔亭空自塵我今臥
病乞閒身投簪徑欲歸海濱浮生若夢已微覺世事如
棋方更新賢豪晚節貴安貧神仙可學究非真不然莊
周何必爲達者但恐徐福無端解笑人

秦川焚餘草卷一

六

旱甚夜雨如注倚枕喜賦

四月十八

旱魃爲災愁旱日雨師激怒戰愆陽繁聲屋瓦初驚響
斷溜庭階漸覺狂此夜獨眠官閣聽明朝擬上郡樓望
定餘雲氣連山白更遣河流挾土黃

養疴亦園中七詠

併序

癸丑歲余乞疾解組仍寓秦署之亦園端居多
暇日與蠹簡兔穎爲緣自秋徂夏紀將週矣偶
閱文選謝靈運田南樹園激流植援古詩中有

養疴亦園中一語感其情景酷似爰取以名篇
戲衍成詠數從七者亦祖枚發曹啓遺意而稍
變其體也

養疴亦園中曲室隱房櫳舩模形肖江湖寄興同寒
輕綃幕複暑卻綺疏通居處雖幽獨安便託眇躬
養疴亦園中泉石趣無窮倚杖聽流水沿階數落紅膏
盲醫有待枕漱意能通何必真招隱槃盞屬寓公
養疴亦園中魚鳥適淵穹聊借飛潛趣時消漏滯衷聽
鶯嫌柳密思鰕觸桃紅爲問漢陰叟息機應許同

秦川焚餘草卷一

九

養疴亦園中花樹舊成叢松菊淵明宅蓬蒿仲蔚宮寒
盟良可託喬蔭合長蒙更種忘憂草安輿樂洩融
養疴亦園中疏水淡彌豐廝土饒新筍連畦足晚菘花
閒行藥緩睡起鬪茶工多少漏鐘盡徒嗟方丈空
養疴亦園中服御信和沖紉佩餘芳苴傾杯有碧筒香
宜聽睡鴨琴或送飛鴻還擬催歸檝披蓑侶釣翁
養疴亦園中鉛槧事雕蟲開卷來今雨哦詩步古風醫
方搜草木丹訣問浮洪未必長生得神怡體自充

厄運丁太平昌期遘陽九霜履堅冰先日彗中天後保
泰在持盈所期典章守琴瑟惡更張石鈞存舊有云何
任新進飛章肆攻搆吹求窮毛疵會斂極笱斗谿刻以
爲能中傷受指嗾有明末造閒臺諫盛多口事事託空
言國民兩俱負遠佞資達聰繼體懷哲后會掃蚩尤旗
不勸長星酒

漢武奮雄畧開邊勞王師拓地不可守饋餉良空糜中
土日以虛邊防日以滋犬羊肆憑陵黔黎多瘡痍坐令
嗣世君和親聊自持烏孫尙公主闕氏降明妃浸假逮

秦川焚餘草卷一

三

唐宋金帛紛加遺忍茲血膏入飽彼鷹虎飢堂堂大一
統詎鮮強國規仁義爲干櫓德禮爲藩籬所以古先王
守但在四夷

選舉備銓衡賢良榮車服豈第清仕途兼可厲風俗國
均不患貧民窮孰與足本貴農桑敦末戒錐刀逐嗟哉
言利臣藉口厚儲蓄撫字考凡庸催科峻敲撲既謂帑
匪充更云爵可嚮西園朝入錢北塞暮輸粟一時賤名
器貂盡狗堪續富強究奚裨淪隱遯過軸欲書桑孔罪

莫罄南山竹

駭驥不受羈，饑鷹但求飽。鞞勒誠得人，亦自馴蹏爪。
齒日以繁困，窮亂萌兆既。庶忘富教牧，司失其道稂莠。
蕃荒原龍蛇阻隘，湫竊發崇朝。閒見機苦不早，上下况
相蒙。生民賤菅草，安得古循良。耕桑策懷保，渤海朝歌
氓奚煩。事征討角魯，閔巴川循恩。嘯海島草澤，詎久延
痼瘕長在抱。

將軍不好武，寰宇方昇平。釋冰士慕玩，伏莽戎漸萌。蠢
茲攘臂起，窮微烽煙生。一朝虎符下，相顧神若驚。自昔
盛環衛，曰惟唐府兵。變制壞良規，弱形積久成。徵發日

秦川焚餘草卷一

三

益多猶驅市人行，軍興但譁餉。賊來無堅城，司馬法坐
廢。何由掃欃槍，謾誅傷失律。括敗免連名，武侯與趙母
恩義殊分明。

疾風知勁草，歲寒敷貞筠。見危乃授命，志士良有真。柰
何任疆寄，背忠私厥身。匪特身是私，妻孥念彌紛。動柯
多驚翼，頽流無恬鱗。符節弁髦棄，井邑荆榛堙。效死訓
安在，流離哀我民。卑賤固波靡，顯貴亦逡巡。我思薤門
狄，伏劔卻越軍。心期勵有位，羞甚鳴吾君。古人不可作
大義誰爲陳。

悼殤兒成後

不信斯兒死相看祇淚盈殞身庸違疾畢命竟緣驚外
宅人人詫全家念念縈重闈渾欲絕同氣倍吞聲入耳
僮奴哭傷心乳媪憐上天降凶罰大厄逮孩嬰顧我觀
能達因伊度忽更笑啼猶滿眼坐臥總牽情憶昔瘡生
痘都憂樹萎瓊巫醫多設誑藥餌獨求精導氣憑復朮
豐肌仗粥錫童烏偏病卻慈母幾心營漸學呶嗻語徐
看彳亍行額髻未垂覆頭角最崢嶸公退銀魚覓賓來
竹馬迎栗梨推讓姊衣履易從兄字妒之無識歌隨欵

秦川焚餘草卷一

三

乃廣而翁偶游覽幼女並攜擎兩兩園穿竹深深徑繞
荆潛驅窺宿蝶拍手捉飛蠱入夜譁登榻張燈喜對檠
畫圖防燼落畧釣駕虹成

每戲疊牙牌爲小橋

每到經行處難禁

侘傺生四齡何短促一夕遽危傾壙掩新朱榭箱餘舊
錦綳便應誅鬼伯遮莫返瑤京子羽辭收葬西河重喪
明古今同恨亟道路亦愁并指謝彭殤喻權誰造化爭
抒哀拈短韻吟答晚蛩鳴

閩孽歎 併序

自楚粵用兵徵調徧天下將弁不約束部伍所

至肆嚇奪而地方官吏以軍興公行科派又騷
然也閩變之起聞亦急徵斂嚴按逃兵會匪遂
因而煽亂幸大吏得人以次削平然上下游郡
邑相繼淪陷會垣亦數月戒嚴桑梓關懷不堪
回首偶閱明史見鄧茂七事絕相類因紀以長

封禁山惟鳥道噶瑪蘭半蛟島歲深地阻芽孽生猛虎
毒龍莫馴擾莫馴擾飛傳翼舞張爪擇人食肉苦不飽
去年有客來炎荒爲言閩孽焰且張連破沙永圍南劔

秦川焚餘草卷一

重

徑踞廈島震泉漳官軍失色遠移汎縣吏全軀紛出疆
文恬武嬉承平久坐令蜂蛾恣披猖小刀紅錢會競立
揭竿斬木賊相望厥初亂萌已預見厲禁不聞先爲防
譬彼江河穴甫漏坏土堪障狂瀾狂一朝潰決壞田舍
縱勤薪槁得不償况復流潛與汗壅終愁禍水成懷襄
我聞此語淚如溢傷心莫待客辭畢前朝往事聊爲述
野老舊聞匪失實共云方伯無宋彰劇盜那愁鄧茂七
亦園亭榭臺館十詠雜用杜少陵游何將軍山林

一鑑亭

亭在池心頗宏敞前牧邵取朱賢半畝方塘詩意名焉余為補天光雲影一額

並點竄宿猿洞舊句以綠楊陰裏安吟榻紅藕香中把釣竿作檻帖云

池面亭翹出人來度短橋
泉源通習坎雲影寫層霄
魚樂知何極鷗馴近可招
四明湖許傍賀監共逍遙

綠陰小憩室

方丈斗室外翼亞字欄周迴可通如廊簷際高槐古柳濃蔭蒼然名

亦始於邵豈以名伯自負耶前牧蕭一聯云種成芳草招蝴蝶看到桃花想鰕魚殊新穎可誦

誰擅甘棠愛吾慚隴阪行
數株檐樹綠一榻午陰清
桃綻因思鰕柑攜可聽鶯
隱囊時獨倚歸興動蕪羹

嘯碧亭

西南隅疊石為陂陀高十餘級亭踞其顛蕭漱泉刺史易翼然為今名余最喜

秦川焚餘草卷一

西

其跋中登高一嘯上下皆碧二語並衍為聯云檐前雜樹綠成幄城外好山青作屏亦眼前實也景

長嘯孤亭上披襟趁晚涼
山光環莽莽樹色鬱蒼蒼
蒼鶴橫空過啼鴉接葉藏
孫登如可作端為熱心香

塵定軒

軒三楹前楹南向冬夏皆宜樹如蓋藤如幔一花一石備極幽靜衛淇園大令

居此課讀最久余戲以清福目之軒額及長聯皆蕭公書秀逸可喜

奚必拂衣去青山高臥雲
先生成小隱此地好論文
鳥語鳴枝上秋聲起夜分
炷香習禪定何處著塵紛

來青檻

卽塵定後軒蕭公取王荆公山從竹裏過來青句榜其上門外修篁故如堵也

萬箇琅玕裏園扉鎮日開室虛生白久山好送青來遠
色侵書幌餘暉落砌苔歲寒圖欲寫苦憶綺窗梅

疏泉過竹林榭

榭當引泉從入處環階而過鳴聲淙淙然築圃直其南左右竹

繞之大抵園之勝竹爲最桃柳次之尤妙于有泉可導但惜少怪石耳

小榭當園北穿林響暗泉月明宜拂簟夏冷欲披綿眼
底疑淇澳胸中有渭川況逢婪尾節促辦買春錢

怡紅醉白簾

閣旁小屋曰簾先是承慶樓東覆檐兩堵而無屋余爲增設窗檻檻

外玉簪秋海棠最盛左植梨花因補碧桃一株于其右每至花時紅白相開令人吟賞不置云

紅白花光爛當窗藻采披臨風思玉樹著雨惜燕支景

秦川焚餘草卷一

五

換人爭賞香饒蝶早知亭臺兼卉木畫卷待裝池

亦舫

在塵定軒南詳前落成四律謝事以來日夕起坐其中一載未審有再至緣否

且喜船登岸更無浪作花南人欣水宿西塞學浮家小
住情猶戀重過迹未賒壁閒勤護惜灑翰贖龍蛇

舫中聯匾

題詠皆余撰句而洪園書之陳設亦幽雅近被一僧父以儲麪炭矣

露臺

登嘯碧可望西北而不見東南得此於亦舫之上足平其憾矣且若舟舫之有舵檣

焉

落日秦川遠如遮望眼何臺成足登眺客至共經過城
郭參差出陰晴變幻多隗宮餘廢址懷古託狂歌

游虛閣 署後承慶樓之陰卽直園南面嘗擬用移堂就樹法關其後垣施欄檻則樓亦爲園所有乃頻年多故願不果償用殿十詠以志吾過游虛云者遊神太虛亦前賢意園之寄興一例耳

因樹曾爲屋移樓台面池翬飛神與構蜃幻意教隨節以青連瑣登宜白接離詩成吾欲老記拍付歌兒

亦舫夏曉

芳園綠樹蔭交加涼氣侵晨透碧紗一陣香風簾捲處牆陰日及 木槿別名 正開花

送衛淇園山長歸陽城

併引

秦川焚餘草卷一

美

淇園夫子學繼前修性敦古處璞玉渾金之品鸞停鵲峙之文薄俗吏而不爲喜諸生之有造

一瓊天水六度星霜 僕 以寅僚忝爲地主花晨

月夕課餘時接其塵譚草偃風行政出每資乎

鴻畫茲值客游方倦歸計已成爰率及門同臨

祖道陽關欲疊苦不成聲渭水無情淒其如咽

聊抒五律用侑一觴他時風雨相思隴梅遠寄

此際雲山在望灞柳空攀云爾

越吟時作不平鳴況向殘秋送客行絕塞鴻飛迷斷影

在門驪唱黯離情隴山長送征輶邁沁水遙從故國迎
我亦鄉心張觸甚兵戈何地問歸程

一見能消鄙吝萌衙齋晨夕素心盟文資月旦衡無爽

州試月課 多乞襄閱 詩步風騷律遜精山寺訪秋欣得杖去秋同登石門

絕頂削山木 爲杖攜歸 玉泉道暑競飛觥那堪追憶忘形樂併作

臨歧別緒縈

去官書劔壓裝輕三月河池有政聲猶想流風歌衆母

更移化雨育羣英任徽令未久即乞疾余留主 皋比虛

席需重擁鹿洞遺規守弗更帶草堂前春又綠忍教多

秦川焚餘草卷一

七

士失康成北垣刺史以州人士思戀教澤挽留甚堅猶虛席未另延山長約明春重蒞

祖筵欲語淚緣纓豚犬無才憤恨盈矯矯不羣愧同學

同門吳任 郭皆佳士 循循善誘負先生他年偕計趨京國合遺紆

途謁析城一事輸君娛老得子孫平世讀還耕瀕行先生語及

此有味乎其言也

去歲河東徧被兵傳來烽警劇心驚經過爲問殘黎苦

休息須逢長吏清桑柘一方勞保障山右大吏奏舉紳士襄辦團練先生

名在籍中 菊松三徑待經營玉關西戍多征騎好倩詩筒往

復賡

謝事後復乞疾幾一年矣近始假得張屋移寓率
成二律寫懷

松菊邱園悵久蕪旁觀任作寓公呼一枝暫借憐鳩拙
三窟空營笑免愚歸老田從陽羨買寄拏茅向灑西誅
草堂我尙無賞辦何似當年杜與蘇
乍脫朝衫便灑然底須散髮臥林泉一官雞肋渾如夢
異地鴻泥尙作緣靜好琴書消晝永團圞兒女話燈前
北堂況種忘憂草此樂何論萬貫錢

秋夕感懷

秦川焚餘草卷一

天

早是羈人黯自傷那堪搖落對秋光移寬帶眼休文瘦
彈徹琴心叔夜狂林表風淒紛敗葉堂坳月暗動啼螿
征鴻久滯南來信遍地萑苻念故鄉

時閩省土
匪蜂起

送淇園至七里墩見秋收豐稔喜賦

送客出東郭西成農正忙築場納多稼棲畝有餘糧民
氣舒今日

連歲頗
苦旱歉

天心愛此方長官身已退還共慰豐

穰

代友題山水小幀

一抹波光蘸翠微桃花洞口是耶非知君家住鴛湖近

如此溪山胡不歸
扶疏樹繞暑全收
老屋閒身足臥游
忽報前溪風雨惡
起凭甕牖數歸舟

位置天然一草廬
秋聲迢遞雁來初
幅巾有客耽幽隱
映月桐陰讀道書

板橋流水絕纖埃
策蹇詩人冒雪來
行近山坳香不斷
料應村外早梅開

客有諷出山者詩以答之

霓裳詠憶衆仙同
龍斷登輪巧宦工
自分尖頭非國器

秦川焚餘草卷一

无

況兼強項是家風
爲郎久厭承明直
作牧虛書上考功
廿載浮沈成底事
漁竿合指海雲東

兩袖清風兩鬢星
浮生蹤迹類飄萍
全家作客誰相問
中歲辭官我獨醒
雨足桔槔羞俯仰
日高爇火謝晶熒
爲君畧話行藏意
濁世何勞判渭涇

溷跡猶嫌近市塵
何時結屋白雲邊
閉關長頌中山酒
負郭惟求下潁田
彭澤淵明歸計早
王官表聖見幾先
含情忽憶坡仙句
直爲鱸魚也自賢
百代光陰似客過
江河日下歎頽波
脛如斷鶴原嫌短

足爲添蛇反覺多赫赫盛名朱邑塚茫茫前路魯陽戈
息機乘化饒真樂招隱吟成自倚歌

次韻奉酬楊翠巖大令八月十三夜對月寄懷之

作時主講
蘭山

舊是金臺月新從玉塞看所嗟天各一倍遣思無端征

雁隨陽切棲鳥擇樹難羈愁誰共語飛夢過南安

鞏昌府古

南安郡也

閨歲秋疑晚良宵月本多漫誇千里共柰觸百憂何鄉
國紛戎莽名場怯網羅昔游星散久吟望獨婆娑

秦川焚餘草卷一

三

投簪君獨早解組我非遲明鏡疲屢照畫眉難入時去
思朱邑傳流寓杜陵詩感此宵無寐參星漸沒旗
洗耳聞吳詠攢眉學越吟空餘一輪影長照兩人心局
賭殘棋覆杯傳濁酒深當年僧寺別猶憶惜分襟

附錄原唱

雨後快明月徘徊不厭看流輝生樹杪清影落檐端
作客人情見思鄉道路難平生文酒夕苦憶滯長安
曳履三霄上修文九地多空持四愁作不柰一輪何
斜漢明如練高雲淡似羅微躬衰尙在相對且婆娑

直北星符急征東露布遲虎頭飛自食蛾賊滅何時
目斷登樓賦心酸種豆詩莫嗟歸未得南國滿旌旗
今夜秦州月如何莊舄吟陰晴難測地俯仰可知心
往事燕臺香離情隴水深猶思掇明鏡早晚照題襟
古漁太守以次翠巖韻感懷之作見示再疊奉答
東魯尊者舊靈光一例看琳琅文自富圭璧品尤端治
譜傳家早窮邊作吏難宦游吾亦倦相與話長安

君昔長安住柯亭賦草多五言陵鮑謝七子繼王何吏
偶辭香案仙疑下大羅卽今講堂樹顧影歎婆娑

時主天水

秦川焚餘草卷一

三

書院

隴外聽輿誦羣嗟臥轍遲循聲猶載路直道不趨時囊
蓄延齡藥箋裁疊韻詩騷壇推健將幾輩豎降旗
幸共閒身乞何多望遠吟干戈猶滿眼桑梓總關心舊
雨經年聚春風隔歲深放懷聊作達雅集續題襟

除夕口占

除夜今年天宇清一天星斗兆昇平春回蓬戶符重換
壽介護堂酒數行久客俗猶沿故土小兒語漸變邊聲
歸心常恐逢佳節爆竹何堪徹曉鳴

攬鏡

攬鏡驚看雪滿頭浮生事事等浮漚詩城時出偏師搗
酒國甘貽小戶羞幻夢已醒忘得鹿機心漸息任呼牛
獨餘結習耽細帙一卷丹鉛日校讐

郭生鳳鳴赴陝秋試詩以勸之

初踏槐黃路西風早報秋蟬聲迎隴阪馬首向秦郵肯
讓先鞭著終期美玉售顯揚人子願還恐倚閭憂
知未諳于役長途倍爾憐身須眠食護情莫狹邪牽衣
鉢添佳話科名羨少年此行應可卜看上孝廉船

秦川焚餘草卷一

三

子舍來依久都緣共學宜爾能視猶父我竟似無兒博
弈難兄好詩書弱弟癡茫茫堂構恨臨別益攢眉
芝草無根茁桑枝寄樹生不經勤拂拭那得見崢嶸積
日文章富培風羽翼成客兒能化去杜治亦分榮

讀函海楊升菴雜著有感書後

舉世驚才子巍科博狀頭獨憐金齒戍何異夜郎流烏
撒露文教丹鉛遣旅愁

先生著丹鉛錄謂卽古刑書故以自比

對山有天

幸猶得故園留

百爾端門哭交章議禮譁效忠爭國是垂老滯天涯竟

作蠻荒鬼虛生上相家長安街畔月曾與照琵琶

詩成後思議禮詔獄論者多異同諸臣誠過激矣

然聖人制禮爲人後者卽降本生服況天家授
受之際耶復戲綴一絕以廣其意非敢妄訾前
賢也

天潢繼統制難誣張桂逢君罪可誅獨怪如椽歐九筆
偏留濮議借姦諛

我石太守賜和四絕復次其韻

至性須將大義裁孝宗無後亦堪哀稱皇伯考循何典

秦川焚餘草卷一

三

莫怪紛紛諫疏來

霍韜熊浹方獻夫席書盡宵人早識官家惡逆鱗漢代

定陶宋安懿兩朝幾忍挫爭臣

投荒未荷聖心憐避位徒聞激語宣何若還他本生考

君臣父子義恩全

獄成瑰萼兩元凶負國違天媚九重不出先幾胡鐸料

居然入廟更稱宗

蘭儀謠

咸豐乙卯月在申開封河決殃及民馮夷起舞龍怒瞋

波浪中宵排九垓燕齊豫省疆界隣田廬其間諸水濱
中原比歲訐黃巾餘生鋒鏑聞嘒呻况復萬竈遭沈湮
吁嗟河伯何不仁我時臥病羈隴秦驟聞猶冀言匪真
卻因追憶歲壬寅扶輻南下乘小輪重興集畔停問津
當年此地來往頻忽辭馬背親船舂中流社木如藻蘋
樹頭餓殍猶望人遺黎面鵠衣結鶉穴沮洳地棲厥身
沿隄乞食日逡巡聊復忍死延數旬恨不同時葬漣淪
行人目擊增酸辛茲者浩劫尤奇迤哀嗷被野誰致詢
悲吟此曲咨河巨歲歲水衡糜帑銀但聞修築動榷薪

秦川焚餘草卷一

五

又見河壩飛碧燐方今五行無汨陳胡同上世洪水堙
願拜赤章達帝宸仰乞仁愛迴鴻鈞安瀾馴伏龍伯神
多生廉吏勤撫循歲時無害風俗淳民災其澹官不貧
熙熙共樂春臺春

盆中秋海棠盛開

弱卉芳秋日嫣然態絕絕塵園丁移豔質思婦認前身繞
砌香難覓依欄淚尙新夜深還照賞一例燭燒銀
蘋玉繁英吐羅衣綠葉稠無言如望遠此物最宜秋涼
月媚娟影西風瑟瑟愁垂絲同貼梗持較竟誰幽

秋士偏憐汝，汝心獨抱儂。睡酣經雨重，落易怯霜濃。採
謝南園蝶，悲餘北牖蛩。菊前蓮後景，相伴祇芙蓉。

去國愁難遣，吟看賴此花。一枝凝宿露，四出燦明霞。養
以青銅盃，圍將紫茜紗。重開期隔歲，料不厭貧家。

新秋卽事

秋水生寒灌百川，征鴻嘹唳暮雲邊。困人天氣過三伏，
老我光陰又一年。簾外花容經雨淡，階除蛩語入宵圓。
授衣加飯勤調護，久覺名場嬾著鞭。

錢曼卿縣佐次韻秋海棠詩工雅而兼警拔率成

秦川焚餘草卷一

二絕以贈

昔觀山水心，曾醉今讀琳琅齒。亦香畫筆詩才兩奇絕，
鴛湖清氣屬錢郎。

畫史能詩更出羣，試將韻事證前聞。雲林叟後石田老，
衣鉢千秋數到君。

秦川焚餘草卷一終

書名			紙
版別	冊數 6		
定價	3.00		
編號	丁字第 1906		

北京市中國書店定價章

來



冊數	
售價	羊
福州	中華